

四庫全書

經部

欽定四庫全書

經部

禮書卷

七十九至  
九十

詳校官尚書臣德保

給事中臣溫常綬覆勘

總校官檢討臣何思鈞

校對官中書臣陸湘

滕錄監生臣蔣肇源


繪圖監生臣戴禹俊

欽定四庫全書

禮書卷七十九


宋 陳祥道 撰

魚禮書圖



樂盛

肆師表盛盛告絜鄭氏曰故  
書表為剽剽表皆謂徽識也



魚

月盈則魚腦盈月虧則魚腦虧特牲少牢尸俎魚皆  
十有五取盈數於三五故也若夫飲食之禮則不然  
公食大夫魚與腸胃倫膚若九若十有一下大夫若  
七若五則一命之魚七再命九三命十有一特天子  
諸侯魚數不見於經先儒謂諸侯十有一天子十有  
五理或然也士昏禮魚十有四攝盛也其加不至十  
有五者貴偶也然魚之在俎或縮或橫或右首或左

首或進首或進尾或進髻

脊也

或進腴或右髻則右首

左首者於俎為縮於人為橫進首進尾者於俎為橫  
於人為縮公食大夫魚縮俎寢右進髻士喪卒塗之  
奠左首進髻士虞亦進髻少牢右首進腴蓋髻者體  
之所在腴者氣之所聚體雖貴右人之飲食貴體鬼  
神之祭貴氣也公食與少牢皆右首而喪禮左首反  
吉故也少牢進腴公食進髻而喪奠與虞進髻未異  
於生故也儀禮大夫士祭皆羶魚周禮獻人凡祭祀

其其魚之鱣鼈曲禮曰鼈魚曰商祭鮮魚曰脰祭少儀曰進濡魚者進尾先儒謂天子諸侯之禮備鼈濡其說是也魚之為物冬則潛而趨陽乎下故腴美夏則躍而趨陽乎上故髻美冬右腴夏右髻此又所尚在時與公食大夫少牢之所進者異矣然儀禮魚皆縮於俎而少牢獻祝魚一橫載之有司徹尸俎五魚橫載之侑主人皆一魚亦橫載之蓋少牢祝俎所載非一物也故橫之有司徹之橫載鄭康成曰彌變於



神是也有司徹尸侑主人之魚皆加臠祭於其上少儀亦曰祭臠蓋臠大也公食大夫禮士羞庶羞皆有大則臠者特為大饗以備祭者也士虞用鱠鮓少牢魚用鮓蓋大夫用鮓士虞或鱠或鮓也獻人春獻王鮓潛之詩季冬薦魚春獻鮓月令季冬乃命魚師始漁天子親往乃嘗先薦寢廟魯語曰古者大寒降土蟄發水虞於是乎講罍罍取魚嘗之則大寒降者季冬薦魚之時也土蟄發者春獻鮓之時也此特薦其

新者而已然王於凡祭祀奚適而不用魚哉以非正牲故其俎在牲體之下

鰠

庖人夏行脍鰠

鄭司農曰脍乾雉鰠乾魚鄭康成曰脍鰠膜而乾

內饗掌共

羞脩刑膾胖骨鰠以待共膳獻人辨魚物為鱻鱻以

供王膳羞凡祭祀賓客喪紀共其魚之鱻鱻籩人朝

事之籩其實膾鮑魚鰠

鄭康成曰鮑者於韞室中糗乾之出於江淮也鰠者析乾

之出東海王者備物近者腥之遠者乾之因其宜也

曲禮曰鱻魚曰商祭鄭氏

曰商猶量也然鳧魚曰鰠鰠曰商祭則鰠與商豈拏  
歛之謂歟籩人朝事之籩膾鮑魚鰠加籩之實菱芡  
棗脯則籩之所薦先魚而後脯矣

膾

內饗掌共羞脩刑膾胖骨鰠

鄭司農曰刑膾謂夾脊肉鄭康成曰刑鰠羹也

膾腍肉大臠所以祭者

外饗掌外祭祀之割亨共其脯脩刑膾

凡賓客之飧饗饗食亦如之籩人朝事之籩其實膾

鮑魚鰠

鄭氏曰膾腍生魚為大臠今燕人膾魚方寸切其腍以啗所貴

公食大夫禮

庶羞皆有大有司徹主人亦一魚加膾祭於其上少

儀羞濡魚者進尾冬右腴夏右髻祭膾

鄭氏曰謂剗魚腹也膾讀

卑如蓋腍肉之大臠亦曰膾所以祭其在俎則加于魚

肉之上在籩加于鮑鱮之上

粢盛

肆師表盛盛告潔鄭氏曰故書表為剗剗表皆謂徽識也

甸師掌帥其屬而耕耨王藉以時入之以供粢盛

粢稷也為

穀長是以名在器曰盛

周禮九嬪凡祭祀贊玉盥

玉盥玉敦受黍稷器後進之

閭師凡庶民不耕者無盛

盛黍稷也

廩人大祭祀則共接盛

接讀為壹極再祭之極極以投春人春之大祭祀之穀藉田之收藏於神倉者也 舍人凡祭祀

共簠簋實之陳之舂人掌共米物祭祀共其盛盛之米

饌人掌凡祭祀共盛大宗伯凡祀大神享大鬼祭大示

涖玉鬯省牲鑊奉玉齋玉禮神之玉也始涖之祭又奉之 小宗伯辨六

齋之名物與其用使六宮之人共奉之黍稷稻粱麥苽 大祭祀

祭之日逆齋省鑊肆師祭之日表齋盛告潔故書表為剽剽表皆

謂徹識也 太祝五曰齋號為黍稷皆有名號也曲禮曰黍曰薌合粱曰薌其稻曰嘉蔬 月令

季秋乃命冢宰農事備收舉五穀之要藏帝藉之收於

神倉祇敬必飭郊特牲曰惟社丘乘共粢盛祭義天子為藉千畝諸侯百畝以為醴酪粢盛祭統曰八簋之實

生民詩曰誕我祀如何或舂或揄或簸或蹂釋之叟叟

烝之浮浮

揄抒白釋漸米也蹂之言潤也

又曰吉蠲為饌大饗是承春

秋書御廩災穀梁曰三宮米而藏之御廩范氏曰夫人

親舂公羊曰周公盛

盛新穀也

魯公燾

燾者冒故以新

羣公廩

廩者連新

於陳上財令半相連爾

楚語曰天子郊禘之事王后必自舂其粢

諸侯宗廟之事夫人必自舂其盛桓二年左傳曰粢食

不鑿昭其儉也周語曰廩於藉之東南鍾而藏之晉語  
曰日入監九御使潔奉郊禘之粢盛詩曰彼疏斯稗鄭  
氏曰疏糲米也米之率糲十稗九鑿八侍御七九章算  
術粟率五十糲米三十稗二十七鑿二十四御二十一  
言粟五斗為米二斗四升細者窮於御也爾雅釋草云  
粱稷也郭璞云今江東呼粟為粱孔穎達曰小宗伯辨  
六粱是諸穀亦名粱

天子藉于南郊正陽之方也廩於藉東南長生之地

也春人祭祀共粢盛之米楚語曰天子親春郊禘之盛又曰天子郊禘之事王后必自春其粢諸侯宗廟之事夫人必自春其盛穀梁曰三宮米而藏之御廩蓋祭祀之禮貴於出力以致養故王耕藉后獻種夫人親桑君卜三宮夫人世婦之吉者蠶于蠶室夫婦相成以盡志力而後可以交於鬼神則春盛固所以自盡也然王耕藉不過三推夫人繅絲不過三盆則春盛之禮蓋亦如此然後春人卒其事以共之也黍



稷曰粢在器曰盛周禮或言盥或言盛或言盥盛大  
宗伯奉玉盥小宗伯辨六盥逆盥大祝盥號之類此  
言盥而不及盛也閭師不耕者無盛廩人共接盛饌  
人共盛之類此言盛而不及盥也甸師共盥盛春人  
共盥盛之米小宗伯表粢盛此兼言盥盛也其言各  
有所當非苟異耳盥盛共之以甸師春之以春人饌  
之以饌人實之以舍人奉之以大宗伯逆之以小宗  
伯然後立之以表而六宮之人共奉之鄭氏曰表為

徽識蓋各書其號以辨異之也九嬪贊玉齋者王敦也大宗伯奉玉齋者王與齋也廩人之接盛施於大祭祀而已接猶曾子問接祭之接也鄭氏改以為扱非是

禮書卷七十九

欽定四庫全書


禮書卷八十

宋 陳祥道 撰

禮書圖

田獵

田



月今天子田獵命僕及亡駒載挂旒  
投軍以級整于屏外則古之和門亦然

齊語齊桓公升受命渠門赤箭章昭曰  
渠門兩旗所建以為軍門若今牙門也

# 射禽之儀



田獵

周禮大宰田役以馭其衆小宰田役之聯事聽師田以簡稽獸人掌畧田獸辨其名物時田則守畧及弊田令禽注于虞中凡田獸者掌其政令幕人田役共其帷幕幄帟綬掌次師田則張幕設重帟重案諸侯師田則張幕設案大司徒大田役以旗致萬民而治其徒庶之政令鄉師凡四時之田前期出田灋于州里簡其鼓鐸旗物兵器修其卒伍及期以司徒之大旗致衆庶而陳之

以旗物辨鄉邑而治其政令刑禁巡其前後之屯而戮其犯命者斷其爭禽之訟州長若國作民而師田行役之事則帥而致之掌其戒令與其賞罰黨正凡作民而師田行役則以其法治其政事族師若作民而師田行役則合其卒伍簡其兵器以鼓鐸旗物帥而至掌其治令戒禁刑罰縣師若將有軍旅會同田役之戒則受法于司馬以作其衆庶及馬牛車輦會其車人之卒伍使皆備旗鼓兵器以帥而至遂人以歲時登其夫家之衆

寡及其六畜車輦辨其老幼廢疾與其施舍者以頒職  
作事以令師田凡事致野役而師田作野民帥而至掌  
其政治禁令遂師軍旅田獵平野民掌其禁令比叙其  
事而賞罰縣正若將用野民師田行役移執事則帥而  
至治其政令稍人若有會同師田行役之事則以縣師  
之法作其同徒輦輦帥而至治其政令以聽於司馬山  
虞若大田獵則萊山田之野及弊田植虞旗于中致禽  
而珥焉澤虞若大田獵則萊澤野及弊田植虞旗以屬



禽迹人凡田獵者受令焉大宗伯大田之禮簡衆也小宗伯若大甸則帥有司而饁獸于郊遂頒禽凡王之會同甸役之禱祠肆儀為位肆師凡師田用牲于社宗則為位凡四時之大甸獵祭表貉則為位獮之日涖卜來歲之戒司几筵甸役則設熊席右漆几司服凡甸冠弁服甸祝掌四時之田表貉之祝號師甸致禽于虞中乃屬禽及郊饁獸舍奠于祖禰巾車木路前樊鵠纓建大麾以田司常凡軍事建旌旗及致民置旗弊之甸亦如

之大司馬中春教振旅司馬以旗致民平列陳如戰之  
陳辨鼓鐸鐳鏡之用遂以蒐田有司表貉誓民鼓遂圍  
禁火弊獻禽以祭社中夏教芟舍如振旅之陳遂以苗  
田如蒐之法車弊獻禽以享禘中秋教治兵如振旅之  
陳遂以獮田如蒐田之法羅弊致禽以祀祊中冬教大  
閱前期羣吏戒衆庶修戰法虞人萊所田之野為表百  
步則一為三表又五十步為一表田之曰司馬建旂于  
後表之中羣吏以旗物鼓鐸鐳鏡各帥其民而致質明

弊旗誅後至者乃陳車徒如戰之陳皆坐羣吏聽誓于  
陳前斬牲以左右徇陳曰不用命者斬之中軍以鼙令  
鼓鼓人皆三鼓司馬振鐸羣吏作旗車徒皆作鼓行鳴  
鐸車徒皆行及表乃止三鼓撓鐸羣吏弊旗車徒皆坐  
又三鼓振鐸作旗車徒皆作鼓進鳴鐸車驟徒趨及表  
乃止坐作如初乃鼓車馳徒走及表乃止鼓戒三闕車  
三發徒三刺乃鼓退鳴鐸且卻及表乃止坐作如初遂  
以狩田以旌為左右和之門羣吏各帥其車徒以叙和

出左右陳車徒有司平之旗居卒間以分地前後有屯  
百步有司巡其前後險野人為主易野車為主既陳乃  
設驅逆之車有司表貉于陳前中軍以輦令鼓鼓人皆  
三鼓羣司馬振鐸車徒皆作遂鼓行徒銜枚而進大獸  
公之小禽私之獲者取左耳及所弊鼓皆駢車徒皆譟  
徒乃弊致禽饁獸于郊入獻禽以享烝田僕掌馭田路  
以田以鄙掌佐車之政設驅逆之車令獲者植旌及獻  
比禽凡田王提馬而走諸侯晉大夫馳司弓矢夾矢庾

矢以授射鳥獸者殺矢鏃矢用諸近射田獵曲禮曰國君春田不圍澤大夫不掩羣士不取麇卵王制曰天子諸侯無事則歲三田一為乾豆二為賓客三為充君之

庖

三田者夏不田蓋夏時也

無事而不田曰不敬田不以禮曰暴殄

天物天子不合圍諸侯不掩羣天子殺則下大綏諸侯殺則下小綏大夫殺則止佐車佐車止則百姓田獵獮祭魚然後魚入澤梁豺祭獸然後田獵鳩化為鷹然後設罝羅草木零落然後入山林昆蟲未蟄不以火田

不麝不卵不殺胎不妖天不覆巢季春之月田獵罝罟

羅網畢翳餒獸之藥毋出九門孟夏之月毋大田獵季

秋之月天子乃教田獵以習五戎班馬政

五戎謂五兵弓矢戈矛戈

戰也命僕及七駟咸駕載旌旒授車以級整設于屏外

屏所

田之地門外之蔽

司徒搢扑北面誓之天子乃厲飾執弓挾矢

以獵

厲飾謂戎服尚威武也

命主祠祭禽于四方郊特牲曰季春

出火為焚也然後簡其車賦厯其卒伍而君親誓社以

習軍旅左之右之坐之起之以觀其習變而流示之禽

而鹽諸利以觀其不犯命也求服其志不貪其得大羅  
氏天子之掌鳥獸者也諸侯之貢屬焉草笠而至尊野  
服也羅氏致鹿與女而詔客告也以戒諸侯曰好田好  
女者亡其國仲尼燕居曰以之田獵有禮故戎事閑也  
大叔于田曰叔在藪火烈具阜還刺荒也哀公好田獵  
從禽獸而無厭盧令刺荒也襄公好田獵畢弋而不修  
民事駟鐵美襄公也始命有田狩之事詩曰公曰左之  
舍拔則獲

左之者從禽之左射之也舍拔則獲言公善射

豳詩曰一之日于貉

取彼狐狸為公子裘二之日其同載績武功言私其獫

獻豸于公

大獸公之小獸私之

車攻詩曰徒御不驚大庖不盈

不驚

驚也不盈盈也一曰乾豆二曰賓客三曰充君之庖故左腰而射之達于右膈為上殺射右耳本次之射左腰

達于右髀下殺面傷不獻踐毛不獻不成禽不獻禽雖多擇三十焉其餘以與大夫士以習射於澤宮田雖得

禽射不中不得取禽田雖不得禽射中則得取禽古者以辭讓取不以勇力取

吉日美宣王田

也吉日維戊既伯既禱

戊剛日也

吉日庚午既差我馬

外事以剛

日差擇也公羊桓四年春公狩于郎狩者何田狩也春曰苗

苗毛也明當毛物取未懷任者

秋曰蒐

蒐簡擇也簡擇幼稚取其大者

冬曰狩

狩猶獸也冬時





苗秋曰蒐冬曰狩四時之田用三焉唯其所先得一為  
乾豆二為賓客三為充君之庖昭八年秋蒐于紅正也  
因蒐狩以習用武事禮之大者也艾蘭以為防置旃以  
為轅門以葛覆質以為禁流旁握御輦者不得入車軌  
塵馬候蹄揜禽旅御者不失其馳然後射者能中過防  
弗逐不從奔之道也面傷不獻不成禽不獻禽雖多天  
子取三十焉其餘與士衆以習射於射宮射而中田不  
得禽則得禽田得禽而射不中則不得禽是以知古之

貴仁義而賤勇力也

春秋傳曰惟君用鮮衆給而已是天子諸侯有四時  
田獵之禮大夫士不與焉故鄭豐卷將祭請田而子  
產止之周官四時之田春蒐以教振旅夏苗以教爰  
舍秋獮以教治兵冬狩以教大閱鄉師於凡田前期  
出田法于州里簡其兵器修其卒伍山虞萊山田之  
野澤虞萊澤野而大閱之禮為表百步則一表為三  
表又五十步為一表田之日司馬建旗于後表之中

羣吏以旗物帥民而致質明弊旗誅後至者羣吏聽  
誓于陳前教以坐作進退之節遂以狩田以旌為左  
右和之門羣吏各帥其車徒以叙和出左右陳車徒  
有司平之既陳乃設驅逆之車有司表貉于陳前中  
軍以鞶令鼓銜枚而進獲者取左耳然則虞人所萊  
之野穀梁所謂艾蘭以為防是也

毛氏曰艾  
草以為防

以旌為

左右和之門穀梁所謂置旗旃以為轅門葛覆質  
為塾是也

毛氏曰褐經梅為  
門表經質以為塾

其未田也教戰于此及

田則驅禽以入天子發則抗大綏諸侯發則抗小綏  
諸侯發然後大夫士發置虞於其中以致禽焉小宗  
伯帥有司而饁獸于郊遂頒禽則饁獸于郊者月令  
所謂既田命祠祭禽四方是也頒禽詩傳及穀梁所  
謂擇取三十焉其餘以予大夫士是也田之服則冠  
弁服車則木路旗則大麾弓則夾弓庾弓矢則鏃矢  
殺矢其出也用牲于社宗而載之行其止也張幕設  
重帝重案而於是臨誓先王之於田宜社造廟祭馬

祖繼之以饁于郊慎之至也詩傳言天子諸侯發則  
抗大綏小綏殺之時也王制言下大綏小綏既殺之  
時也曲禮國君春田不圍澤大夫不掩羣諸侯在國  
之禮也王制天子不合圍諸侯不掩羣諸侯從王蒐  
之禮也周官司服凡田冠弁服月令季秋天子乃厲  
飾蓋周秦之禮異也

火田

周禮司燿季春出火季秋納火司烜氏中春以木鐸

修火禁于國中司馬中春蒐田火弊獻禽王制曰昆蟲未蟄不以火田郊特牲曰季春出火為焚也月令仲春之月毋焚山林爾雅曰火田為狩春秋傳曰古之火正或食於心或食於昧以出納火是故昧為鶉火心為大火鄭鑄刑鼎士文伯曰火未出而作火鄭其有災乎仲尼曰火伏而後蟄者畢蓋建辰之月鶉火見於南方則令民出火所謂季春出火是也建戌之月火伏於日下故令民納火所謂季秋納火是也

司燿仲春修火禁以火未出而不可以作火故也王制昆蟲未蟄不以火田以火伏而後蟄者畢故也然孟春啓蟄而周禮中春之田有火弊者焚圃草以田可也焚山林以田不可也月令仲春禁焚禮也郊特牲季春出火為焚非禮也春秋之時楚子田使齊侯載燧此火田之所用者歟

田禽

五牲

庖人掌共六畜六獸六禽辨其名物春秋傳言六畜



五牲以奉五味

昭公

鄭司農云六獸麋鹿熊麋野豕兔

六禽鴈鶉鷄雉鳩鵠鄭康成謂獸人冬獻狼夏獻麋  
又內則無熊則六獸當有狼而熊不屬六禽於禽獸  
及六摯宜為羔豕犢麋雉鴈杜預曰五牲麋鹿狼麋  
兔考之於詩曰一發五豝一發五縱並驅從兩肩並  
驅從兩狼言私其縱獻豝于公獸之所同鹿麋麋  
發彼小豝殪此大兕爾雅曰豕生三曰縱牝曰豝內  
則有鹿脯田豕脯麋脯麋鹿田豕麋皆有軒雉

兔皆有毫又曰麋鹿魚為菹麋為辟鷄野豕為軒兔

為宛脾

軒辟鷄宛脾皆菹類也

少儀麋鹿為菹野豕為軒皆聶

而不切麋為辟鷄兔為宛脾皆聶而切之特內則八珍有狼臠膏則六獸當有狼無熊如康成之說五牲當有野豕非如杜氏之論也

射禽之儀

馭法曰逐禽左秦詩曰公曰左之則禽之入防虞五豝奉辰牲而御者從左以逐之君從左以射之詩曰

悉率左右以燕天子則亦驅左右之禽以趨於右也  
傳曰自左髀而射之達于右髀為上殺射右耳本次  
之射左髀達于右髀為下殺面傷不獻踐毛不獻不  
成禽不獻禽雖多擇三十焉其餘以與大夫士以習  
射於澤宮蓋中心而死速者上殺也以為乾豆遠心  
而死緩者次殺也以待賓客中腸胃汙泡而死尤緩  
者下殺也以充君庖面傷不獻為誅降也不成禽不  
獻為殀天也擇取三十每禽擇三十而乾豆賓客君

庖各十也考之於禮鬻醢在豆脯腊在籩則乾物不  
施於豆矣言乾豆者周官腊人凡祭祀共豆脯薦脯  
孔穎達謂豆實有先脯之然後漬於理或然

禮書卷八十

欽定四庫全書

禮書卷八十一

宋 陳祥道 撰

禮書圖


大夫廟門之位



士廟門之位




尸次





尸次





士饋食儀

入生

祝

戸

牖

魚組 腊組 所組

新組

所食豆 鹹豆 豆

藏豆

資所

北葵並日  
蝸醢二日  
大羹羹

端 面

北齊書

殺敵

金鋼

社會學

44

## 主 要

戶佐爾

稷

大夫廟門之位

筮日主人西面既宿尸主人南面宗人北面請

期

鄭氏曰大夫不西面者尊於諸官有君道也

祭日主人南面視殺

饔特牲牲饔在廟門外東南魚腊饔在其南

鼎

少牢雍人陳鼎五三鼎在羊羹西二鼎在豕羹西鄭氏曰魚腊從羊膚從豕統於牲

筮日史東面受命

記曰卜郊于禰宮又曰君致齊於外夫人致齊

於內然後會於太廟則人君筮與祭日不在廟

門矣大夫士與助祭者勢不相遠故於廟門之外以見之

士廟門之位

筮日及前祭主人西南子姓兄弟立于主人之南西面北上祭日主人南面視殺

饗牲饗在廟門外東面魚腊饗在其南

鼎

北面上於在其南南順實獸于其上東首當門也牲在於西北首東足

筮日有司羣執事東面北上筮者東面受命前

祭衆賓東面北上宗人祝立于賓西北東面南  
上祭日如初

特牲筮日主人冠玄端即位于門外西面子姓兄弟  
立其南西面北上有司羣執事東面北上前期三日  
筮尸如求日之儀前祭之夕主人兄弟即位于門東  
如初賓及衆賓即位于門西東面北上宗人祝立于  
賓西北東面南上既視壺濯宗人請期祭之日主人  
視殺立于門外東方南面既而祝迎尸于門外主人

降立于阼階東尸入門左少牢筮日主人朝服于門  
東既宿尸反為期于廟門之外主人門東南面宗人  
北面請祭期明日主人朝服即位于廟門之外東方  
南面宗人西面北上視刲羊擊豕乃退將祭主人即  
位于阼階東西面司宮筵于奧祝出迎尸于廟門之  
外主人降立于阼階東西面祝先入門右尸入門左  
然則士前祭立于廟門者五筮日一也筮尸二也前  
祭之夕將視濯具揖入三也既視復外位而請期四

也祭之日視殺揖入五也大夫前祭立於廟門者四筮日一也筮尸二也既宿尸而請期三也祭之日視殺入四也蓋士遠君而伸故視濯具與視殺異日大夫近君而屈故視濯具與視殺同日然皆視殺於門外而已天子諸侯其殺與大夫士異其視濯具以異日與士同然天子諸侯門外之禮無所經見郊特牲言作龜於禰宮則不於廟門矣太宰祭祀贊王牲事大司寇大祭祀納亨前王玉藻曰惟君黼裘以誓省



則天子之於視濯具未嘗不親也

尸次

掌次凡祭祀張其旅幕張尸次鄭氏曰旅衆也公卿以下即位所祭祀之門外以待事為之張大幕尸則有幄考之幕人祭祀共其帷幕幄帟綏帷設於旁幕設於上幄則四合如屋者也帟則平帳承塵者也掌次於旅言幕於尸言次則次不特用幕而已鄭氏謂尸則有幄是也特牲禮迎尸于門外尸入門左少牢

禮祝出迎尸于廟門外祝先入門右尸入門左則次設於西塾矣尸次設於西塾則旅幕設東塾矣

朝踐

饋食

禮運曰玄酒以祭薦其血毛腥其俎孰其殽醴醢以獻

薦其燔炙君與夫人交獻以嘉魂魄是謂合莫

腥其俎謂豚解

而腥之及血毛皆所以法於太古也孰其殽謂體解而爛之此以下皆所以法於中古也然後退而

合亨體其犬豕牛羊實其簋簠簋豆鉶羹

此謂薦今世之食也體其

犬豕牛羊謂分別骨肉之貴賤以為衆俎也正義曰玄酒以祭謂朝踐之時薦其血毛亦朝踐時醴醢以獻者朝踐之時用醴饋食之時用醢薦其燔炙謂燔肉炙肝特牲禮主人獻尸賓長以肝從主婦獻尸賓長以燔從則此君薦之用炙夫人薦用燔也退而合亨者前期薦爛既未孰今至饋食乃取羶爛肉更合亨之令孰擬更薦尸俎惟載右體則左體亦獲中亨之禮器曰太廟之既熟乃分別骨之貴賤以為衆俎也

內敬矣君親牽牲大夫贊幣而從用幣告神殺牲君親制祭夫

人薦盎親制祭謂朝事進血簣時所制者君親割牲夫

人薦酒親割謂進牲熟體時正義曰君親制祭夫人薦盎此謂薦殺牲已畢進血腥之時斷制牲肝洗

於鬱鬯入以祭神於室此時夫人薦盎侯伯子男之君朝踐君不獻故夫人薦盎君親割牲夫人薦酒者謂薦

孰時君割牲體於時君亦不獻故夫人薦酒制肝洗於鬱鬯約漢法而知也

納牲詔於庭血

毛詔於室羹定詔於堂三詔皆不同位蓋道求而未之

得也設祭于堂為祊乎外

正義曰羹定詔于堂謂煮肉既熟將迎尸入室乃先以俎

盛之告神於堂

郊特牲曰周人尚臭既濯然後迎牲致陰氣也

蕭合黍稷臭陽達於牆屋故既奠然後炤蕭合羶薌

灌謂

始獻神也已乃迎牲於庭殺之天子諸侯之禮也莫謂薦熟時也特牲饋食禮云祝酌奠于鉶南是也

詔

祝於室坐尸於堂

謂朝事時也朝事延尸于戶西南面布主席東面取牲脾膾燂于爐炭洗

肝于鬱鬯而燂之以詔神於室又出以墮於主前主人親制其肝所謂制祭也薦以籩豆至薦熟乃更延主于

室之與尸來升席自北方坐于生北焉

用牲於庭升首于室

制祭之後升牲首於北牖

下直祭祝于主

謂薦孰時也祭以熟為正則血腥之屬盡敬心耳

祭義曰祭之

日君牽牲穆答君卿大夫序從既入廟門麗于碑卿大

夫袒而毛牛尚耳鸞刀以割取脾腎乃退燂祭腥而

退敬之至也二端既立報以二禮建設朝事燔燎羶鄉

見以蕭光以報氣也此教衆反始也薦黍稷羞肝肺首

心見間以俠觶加以鬱鬯以報魄也教民相愛上下用

情禮之至也

二端謂氣也魄也二禮謂朝事與薦黍稷朝事謂薦血腥時也薦黍稷所謂饋食

也周官籩人朝事之籩其實麴黃白黑形鹽臠鮑魚鱠  
饋食之籩其實棗栗桃乾榛榛實醢人朝事之豆其實  
韭菹醢醢昌本麋藟菁菹鹿藟茆菹麋藟饋食之豆其  
實葵菹羸醢脾析麋醢蜃蜆醢豚拍魚醢司尊彝春祠  
夏禴其朝踐用兩獻尊其再獻用兩象尊秋嘗冬蒸其  
朝獻用兩著尊其饋獻用兩壺尊凡四時之間祀追享  
朝享其朝踐用兩大尊其再獻用兩山尊

尸入既裸於室然後延之于戶西坐于主東南面行

朝踐之禮焉延之于戶西所謂坐尸于堂是也坐于  
主東所謂南鄉北鄉以西方為上是也南面所謂父  
南面子北面而事之是也是時君出迎牲袒而牽之  
麗于碑以幣詔之於庭卿大夫袒而毛牛尚耳鸞刀  
以剗取腍膋而毛血詔於室蕭載腍膋合以黍稷烝  
於爐其籩實則粢黃白黑形鹽膾鮑魚鱗豆實則韭  
菹醯醢昌本麋藟菁菹鹿藟茆菹麋藟尊則春祠夏  
禴用兩犧尊秋嘗冬蒸用兩著尊追享朝享用兩大

尊俎則或豚解而腥之或體解而燭之然後詔以羹定焉其禮謂之朝踐亦謂之朝事又謂之朝獻以象朝時之所養也

### 大夫饋食儀

#### 士饋食儀

天子諸侯饋食之儀見於經者尤畧今圖大夫士禮于後賈公彥曰天子諸侯

大夫士雖同名饋食仍有少別何者天子諸侯食前仍有饋獻二是饋熟陰厭陽厭尸入室乃

獻大夫士則饋熟與黍稷為陰厭陽厭前無饋獻以此為異耳

羹定詔於堂然後延主于奧尸坐其北主人拜受尸



而奠爵舉焉此所謂舉觥角詔妥尸少牢禮所謂尸  
即席坐主人拜妥尸即奠是也其籩實則棗栗桃乾  
榛榛實豆實則葵菹羸醢脾析麋醢蜃蜆醢豚拍魚  
醢尊則春祠夏禴用兩象尊秋嘗冬烝用兩壺尊追  
享朝享用兩山尊俎則載合享之熟而簋簋之黍稷  
進焉考之儀禮饋食之儀祝筵几于室中東面主婦  
薦兩豆葵菹蜎醢醢在北主人設俎于豆東魚次腊  
特于俎北主婦設黍稷于俎南西上及兩鉶匕設于

豆南南陳祝酌奠于鉶南佐食啓會卻于敦南尸授  
祭佐食取黍稷肺祭尸尸祭酒鉶佐食爾黍稷于席  
上設大羹于醢北尸食肺脊主人羞胾俎于腊北九  
飯告飽主人主婦醕尸

加爵

周禮籩人加籩之實菱芡棗脯菱芡棗脯

加籩謂尸既食后亞獻尸

所加之籩重言之者以其四物為八籩正義曰加籩是尸既食後亞獻尸所加之籩者案內宗掌宗廟之祭祀薦加豆籩以其內宗所薦明主於后又見特牲主婦獻尸云宗婦執兩籩於戶外主婦受設於敦南主人獻尸

之時不見有設籩之事故知惟主於后也少牢主婦不設籩者以其當日賓尸故也其下大夫不賓尸者亦與

士同醯人加豆之實芹菹兔醢深蒲醢醢落菹鴈醢荀菹

魚醢內宗掌宗廟之祭祀薦加豆籩

加爵之豆籩

郊特牲曰

恒豆之菹水草之和氣也其醢陸產之物也加豆陸產

也其醢水物也

此謂諸侯也天子朝事之豆有昌本麋鶩饋食之豆有葵菹臠醢豚拍魚醢其

餘別有雜錯云也

明堂位曰爵用玉琖仍雕加以璧散璧角特

牲饋食主人主婦醑尸畢長兄弟洗觶為加爵如初儀

不及佐食洗致如初無從衆賓長為加爵止

大夫士三獻而禮成

多止之為加也尸爵止者欲神意之均於在庭

春秋傳曰楚子入享於鄭九獻

加籩豆六品又季孫宿如晉晉侯享之有加辭曰小國之事大國也得貺不過三爵今豆有加下臣弗堪籩加醢人言朝踐饋食之籩豆則獻饋獻籩豆也言加籩加豆則加爵之豆籩也特牲禮主人主婦既醑尸然後長兄弟衆賓長為加爵則加爵不施於亞獻之節鄭氏釋籩人謂后亞獻尸所加之籩其說誤也明堂位曰獻用玉琖加用璧散璧角特牲禮獻用爵加用觚又獻主人

主婦加繫長兄弟衆賓長則加在獻數之外明矣


禮書卷八十一

欽定四庫全書

禮書卷八十二

宋 陳祥道 撰

禮書圖  
茅苴






茅旌



道布

卷八十二



### 三詔

禮曰納牲詔於庭血毛詔於室羹定詔於堂又曰詔  
祝於室迎尸於堂用牲於庭升首於室又曰血毛告  
幽全之物也蓋尸入則裸既裸則迎牲牲入則用幣  
於庭以告其將殺禮器所謂君牽牲大夫贊幣從是  
也既殺則薦血毛於室以告其幽全國語所謂毛以  
告物血以告殺是也及薦爛於堂又用羹以告其飪  
禮器所謂堂事交乎階是也凡此皆朝踐之節也儀

禮大夫士無裸禮故殺牲而後迎牲迎牲而後迎尸  
天子諸侯有裸禮故迎尸而後迎牲鄭氏曰迎牲之  
時坐尸於堂西南面坐主於堂西東面祝乃燎腍膋  
於爐君親制祭然後升牲首於北牖下至薦熟乃更  
延主於室之奧尸坐于主北然祭統曰所使為尸者  
於祭者子行也父北面而事之則尸之在堂固南面  
矣特牲少牢皆坐尸於室西東面則尸之在室西東  
面矣鄭氏曰延主于室之奧尸坐于主北其說或然

其言堂上坐主於西東面是象神者與神異嚮無是理也

炳蕭

周禮甸師祭祀共蕭茅詩曰取蕭祭脂又曰取其血管郊特牲曰蕭合黍稷臭陽達於墻屋故既奠然後炳蕭合羶薌鄭氏曰奠謂薦熟時也特牲饋食所云祝酌奠于鉶南是也蕭染以脂合黍稷燒之祭義曰二端既立報以二禮建設朝事燔燎羶薌見以蕭光以報氣也薦

黍稷肝肺首心見間以俛觶加以鬱鬯以報魄也鄭氏  
曰二端謂氣也魄也二禮謂朝事與薦黍稷也朝事謂  
薦血腥時也薦黍稷所謂饋食也見及間皆當為鬯字  
之誤也蘊當為馨聲之誤也爾雅曰蕭荻也李巡曰荻  
一名蕭陸機云今人所謂荻蒿者是也或云牛尾蒿似  
白蒿白葉莖麤科生多者數十莖可作燭有氣故祭祀  
以脂焚之為香許慎以為艾蒿非也

鬱合鬯臭陰達於淵泉以形魄歸于地而求諸陰也

蕭合黍稷臭陽達於墻屋以魂氣歸于天而求諸陽也祭祀君與夫人所以自盡者也故君灌以圭夫人灌以璋君迎牲夫人奠盎記言灌以圭璋用玉氣也既灌然後迎牲既奠然後炤蕭是迎牲奠盎皆在既灌之後而炤蕭又在既奠之後則灌求神之始也而炤蕭次之迎牲奠盎事神之始也而獻薦次之

祭義曰君

牽牲夫人奠盎君獻尸夫人薦豆

求諸陰而事之猶以為未又求諸

陽而致曲焉則神其不格乎設燔燎羶薌見以蕭光

則羶脾膋之氣也鄉黍稷之氣也

曲禮黍曰鄉合梁曰鄉糗

蕭合

脾膋黍稷而燔燎之在朝事之節而朝事之初有迎牲奠盎之禮則祭義郊特牲之文雖殊其事一也蓋迎牲而封之則血毛告於室以示其幽全脾膋燔於堂以達其臭氣而羹定之所詔又在其後不然不足謂之尚臭也鄭康成以祭義所言為廟事之燔蕭以郊特牲所言為饋食之燔蕭改羶為馨

茅苴



茅旌

禹貢荊州厥貢包匭菁茅

匭匣也茅以縮酒

易曰藉用白茅无

咎繫辭曰茅之為物薄而用可重也苟錯諸地而可矣

藉之用茅何咎之有周禮甸師祭祀共蕭茅

鄭大夫云求茅立之

祭前沃酒滲下去若神飲之故謂縮滲也故齊桓責楚不貢包茅無以縮酒玄謂茅以共祭之苴亦以縮酒苴

以藉祭縮酒沛酒也醴齊縮酌

鄉師大祭祀羞牛牲共茅苴

鄭大夫謂祭前藉也

玄謂苴士虞禮所謂苴刈茅長五寸束之是也祝設于几東席上命佐食取黍稷于苴三取膚祭如初此所以

承祭既祭蓋束而去之守桃云既祭藏其隋是與

司巫祭祀共苴館

苴之言藉也祭食有

當藉者館所以承菹謂若今筐也共菹以筐大祝取其菹陳之器則退也士虞禮曰苴荊茅長五寸實于筐饌于西站上又曰祝盥取菹降洗之升入設于几東席上東縮正義曰西站者堂西南隅謂之站士虞禮設席於與神面右几縮縱也據神面為正東西設之故言東縮引之者據苴是藉祭之物

司尊彝醴齊

縮酌

醴齊尤濁和以明酌  
滓之以茅縮去滓也

醢人茆菹麋醢

鄭大夫讀茆為茅茅菹茅

初生

男巫掌望祀望衍授號旁招以茆禮記曰縮酌用茅

明酌也士虞禮苴荊茅長五寸束之實于筐饌于西站

上

苴猶  
藉也

又曰祝升取苴降洗之升入設于几東席上東

縮又曰祝饗命佐食佐食許諾鉤袒取黍稷祭于苴三

取膚祭祭如初

鉤袒令擐衣也苴所以藉祭也孝子始將納尸以事其親為神疑於其位設苴

以定之耳或曰苴主道也則特牲少牢當有主象而無何乎正義曰鄭意以苴為藉祭非主道也若然此據文

有尸而言將納尸有苴案下記文無尸者亦有苴又特牲少牢吉祭無苴案司巫祭祀共蕝常祀亦有苴者以

天子諸侯尊者禮備故吉祭亦有苴記既饗祭于苴左傳齊侯以諸侯之

師伐楚曰爾貢包茅不入王祭不共無以縮酒公羊傳

曰鄭伯左執茅旌

茅旌祀宗廟所用迎道神指護祭者斷曰藉不斷曰旌

詩曰野

有死麕白茅包之野有死鹿白茅純束又曰白茅菅兮

又曰晝爾于茅宵爾索綯晉語曰置茅莚設表望史記

曰一茅三脊

茅之為物柔順潔白可以施於禮者也故古者藉祭  
縮酒之類皆用焉禹貢荊州包匭菁茅甸師祭祀共  
蕭茅鄉師大祭祀共茅菹司巫祭祀共菹館則茅有  
貢於方國者有共於甸師者甸師之茅有入之鄉師  
有入之司巫則鄉師之所共者大祭祀也司巫之所  
共者凡祭祀也

賈公彥曰甸師共茅與司巫司巫為  
苴以共之此據祭宗廟也甸師氏送

茅與鄉師  
謂祭天也

孔子曰苟錯諸地而可矣藉之用茅何咎

之有則茅不特藉祭而已士虞禮苴刈茅長五寸束  
之實于筐饌于西坵上祝升取苴降洗之升入設于  
几東席上東縮佐食取黍稷祭于苴三取膚祭祭如  
初此特藉祭者也司尊彝醴齊縮酌記曰縮酌用茅  
明酌也縮然後酌則其縮不必束而立之祭前鄭大  
夫謂束而立之祭前沃酒其上酒滲而下若神飲鄭  
康成謂將納尸以事其親為神起於其位故設苴以  
定之其說皆不可考男巫望祀望衍旁招以茅國語

置茅絕設表望公羊曰鄭伯左執茅旌何休謂斷之  
曰藉不斷曰旌宗廟之中以迎道神指護祭者然則  
茅之所用豈一端哉故可以冪鼎可以御柩雜記或  
苴以為豆實或包以通問好或索紃以備民用此茅  
所以可重也士虞有苴特牲少牢吉祭無苴而司巫  
祭祀共苴館則凡王祭祀有苴矣賈公彥謂天子諸  
侯尊者禮備於理或然後世祭有翟蓋茅旌之類

道布

周禮司巫祭祀則共匱主及道布及箱館杜子春曰  
道布新布三尺也或曰布者以為席也鄭康成曰道  
布者為神所設巾中雷禮曰以功布為道布屬几蓋  
神位藉之以席設之以布謂之道布為道神故也

禮書卷八十二



欽定四庫全書

禮書卷八十三

宋 陳祥道 撰

禮書圖

陰厭



陽厭





陰厭

陽厭

陰厭陽厭特牲禮主婦薦豆設敦鉶主人及佐食宗人設鼎俎祝洗酌奠于鉶南主人再拜然後祝出迎尸少牢亦薦豆設敦設鼎俎祝酌奠主人再拜然後祝出迎尸則未迎尸之前陰厭也有司徹卒養有司官徹饋饌于室中西北隅南面如饋之設右几扉用席納一尊于室中則尸諤之後陽厭也鄭氏曰陽厭

殺無玄酒陰厭西南奧陽厭西北漏與室之闔故曰陰漏室之白故曰陽陰厭席東面陽厭席南面

禮記曰攝主不厭祭又曰祭殤必厭蓋弗成人也祭

成喪而無尸是殤之也

成人之後雖婚而無子孫與未成人同

又曰宗

子為殤而死庶子弗為後也祭殤不舉無胾俎無玄酒不告利成是謂陰厭凡殤與無後者祭於宗子之家當室之白尊于東房是謂陽厭蓋祭殤之禮有於陰厭之者有於陽厭之者鄭康成曰祭適殤於廟之

奧謂之陰厭王子公子祭適殤於其黨之廟大夫以下祭殤於廟子之家皆當室之白謂之陽厭是宗子而殤有陰厭無陽厭庶子之適為凡殤有陽厭無陰厭若夫成人之祭迎尸之前設奠於奧謂之陰厭尸設之後改饌於西北隅謂之陽厭儀禮特牲有陰厭有陽厭少牢有陰厭無陽厭蓋天子諸侯上大夫正祭有陰厭繹祭有陽厭下大夫與士無賓尸之繹則陰厭陽厭設於祭之日而已庶子攝祭不厭鄭氏以

為不陽厭者以曾子問先言不厭而繼之以不旅不假不綏祭不配皆逆陳其祭末者則不厭為陽厭可知也夫尸所以象神也厭所以飫神也殤之有厭為其無尸故也正祭有厭為其尸不存故也上大夫而上正祭無陽厭不敢遽飫之也攝祭無陽厭不敢飫之也適殤有陰厭則其禮詳庶殤有陽厭則其禮畧觀陰厭尊有玄酒陽厭納一尊而已陰厭備鼎俎陽厭俎釋三个而已

特牲禮

則陽厭之畧可知也



綏祭

尸主人主婦皆授祭士虞尸右執奠特牲尸左執解則右手隨祭也祭皆於豆間既祭守

桃藏之

周官大祝隋釁令鍾鼓小祝大祭祀贊隋守祧既祭藏其隋儀禮士虞祝命佐食隋祭佐食取黍稷肺祭授尸特牲祝命尸授祭之尸取菹孺于醢祭于豆間佐食授主人授祭主婦則佐食授祭主婦撫之少牢尸受肺與黍同祭于豆間主人佑受佐食綏祭坐祭之主婦亦受佐食綏祭祭之禮記特牲曰祭黍稷加

肺報陰也曾子問曰攝主不厭不綏鄭康成謂下祭  
曰隋則隋與春秋傳所謂隋成之隋同周官與士虞  
作隋少牢與禮記作綏特牲作妥其實一也隋祭所  
以祭鬼神之物猶生者之飲食必祭也其物黍稷與  
肺其樂鍾鼓贊之以祝祭之以佐食藏之以守祧

儀禮

有司曰司宮婦壻祭先儒謂  
壻豆間之祭埋之西階東

而尸與主人主婦皆有

是禮則尸既舉奠而綏祭祭神食也主人受祚而綏  
祭尸食也少牢主婦受祭於佐食而祭之特牲主婦

祭以佐食而撫之以士卑而禮簡故也攝主不綏士  
虞無尸不綏以攝與尸非備文故也周人所祭莫先  
於肺天子諸侯或隋於堂上或隋於室中固不可考  
要之皆先祭肺而已鄭康成以禮記云詔祝於室坐  
尸於堂前謂朝事延尸於戶西南面布主席東面取  
牲脾膋燎于爐炭洗肝于鬱鬯而燔之入以詔神於  
室又出以隋于主前主人親制其肺所謂制祭也其  
說無據

受嘏

禮運曰修其祝嘏正義曰祝以主人之辭饗神嘏謂祝以尸之辭致福而嘏主人祝以孝告嘏以慈告天子祭天地諸侯祭社稷祝嘏莫敢易其常古祝嘏辭說藏於宗祝巫史非禮也宣祝嘏辭說郊特牲嘏長也大也曾子問攝主不厭祭不旅不假不綏祭不配

假當作嘏不嘏避正主也

周禮膳夫凡王祭祀賓客食徹王之胾俎

正義曰胾俎若特牲少牢

主人受尸酢尸東西面主人俎於席前尸酢禮亦然

司几筵凡大朝覲大饗射凡

封國命諸侯王位設黼依依前南鄉設莞筵紛純加繅

席畫純加次席黼純左右玉几祀先王昨席亦如之

讀昨

如昨謂祭祀及王受酢之席尸卒食王醕之卒爵祝受之又酌授尸尸酢王於是席王於戶內諸恆致爵乃設

席正義曰知席王在戶內者約特牲主人受酢時在戶內之東西面也

鬱人大祭祀與量

人受舉筭之卒爵而飲之儀禮特牲饋食尸九飯主人

酌尸祝酌授尸尸以酢主人主人拜受角尸拜送主人

退佐食受授祭主人坐左執角受祭祭之祭酒啐酒進

聽嘏佐食搏黍稷授祝祝受尸尸受以菹豆執以親嘏

主人主人左執角再拜稽首受復位尸懷之實于左袂  
挂于季指卒角拜尸答拜主人出寫醬于房祝以籩受  
實于左袂挂祛以小指者便卒角也  
變黍言醬因事託戒欲其重稼醬也主婦酌亞獻尸尸

酌如主人儀賓三獻如初少牢饋食禮尸十二飯主人  
酹尸祝酌授尸尸酢主人上佐食以綏祭二佐食各取  
黍于一敦上佐食兼受搏之以授尸尸執以命祝卒命  
祝祝受以東北面于戶西以嘏于主人曰皇尸命工祝  
承致多福無疆于女孝孫來女孝孫使女受祿于天宜

稼于田眉壽萬年勿替引之主人坐奠爵興再拜稽首  
興受黍坐振祭齊之尸懷之實于左袂挂于季指執爵  
以興坐卒爵執爵以興坐奠爵拜尸答拜執爵以興出  
宰夫以籩受胄黍主人嘗之納諸內書王受同瑁三宿

三祭三咤

王受瑁為主受同以祭禮成于三故酌者實三爵於王三進爵三祭酒三奠爵

上宗

曰饗

祭必受福讚王曰饗福酒

太保盥以異同秉璋以酢

平圭曰璋臣所奉王

已祭太保又祭報祭曰酢

太保受同祭齊

太保既拜而祭既祭受福齊至齒則王亦至齒王言

饗太保言齊互相備

詩天保君曰卜爾萬壽無疆神之弔矣詒爾

多福楚茨工祝致告徂賚孝孫苾芬孝祀神嗜飲食卜  
爾百福如幾如式梁天監五年明山賓議請郊廟受福  
唯皇帝再拜明上靈降祚臣下不敢同也詔依其議唐  
開元開寶禮及儀注熙寧祀儀天子親祠而亞終獻飲  
福有司攝事而太尉飲福受祚

祝以孝告其辭說則少牢饋食祝曰孝孫某敢用柔  
毛剛鬣嘉薦普淖用薦歲事于皇祖伯某以某妃配  
某氏尚饗之類是也嘏以慈告其辭說則少牢饋食



祝曰皇尸命工祝承致多福無疆于女孝孫來汝孝

孫

來與齊同  
鄭氏作釐

使女受祿于天宜稼于田眉壽萬年勿

替引之之類也其儀則士禮佐食搏黍授祝祝授尸

尸受以菹豆執以親嘏主人左執角再拜稽首受復

位尸懷之實于左袂挂于季指卒角拜尸答拜主人

出寫嗇于房祝以籩受大夫禮二佐食各取黍于一

敦上佐食兼受搏之以授尸尸執以命祝祝受以東

北面于戶西以嘏于主人主人坐奠爵興再拜稽首

興受黍坐振祭齊之尸懷之實于左袂挂于季指執  
報爵以興坐卒爵拜尸答拜執爵以興出宰夫以饗  
受醬黍主人嘗之納內蓋士賤而禮簡故佐食搏黍  
授祝祝授尸尸執而親嘏之大夫貴而禮繁故佐食  
兼受二敦黍搏之以授尸尸執以命祝嘏之士執角  
受之尸懷而不嘗大夫奠爵受之坐祭齊之乃尸懷  
之而又嘗其實于左袂所以便執爵也以袂挂于季  
指所以便卒爵也其受皆於主人酌尸之後而主婦

亞獻賓三獻不與焉特授尸酢爵而已曾子問攝主不嘏以明福在主人非攝者所可受也梁明山賓議請郊廟受福惟皇帝再拜明上靈降祚臣不敢同也其言頗合禮意唐開元開寶禮天子親祠而亞終獻飲福有司攝事而太尉飲福然受尸酢爵謂之飲酢可也謂之飲福非也以爲飲福非古遂廢受酢之禮此又全失獻酢往來之道也古者受福雖在皇尸飯醕之後然主人受酢受福皆同時其後繼之以亞獻終

獻加爵無嫌乎受福太蚤也今親祠儀注亞獻終獻  
行禮已訖然後禮官前導皇帝飲福受胙而亞獻終  
獻無復與於酢爵恐非禮意

禮書卷八十三

欽定四庫全書

禮書卷八十四

宋 陳祥道 撰

禮書圖

鬱

鬱草十二花  
狀如紅藍



秬鬯

一秬黑黍也  
二秬



五齊

泛齊醴齊盎  
齊緹齊沈齊

三酒

事酒昔  
酒清酒

周禮酒正凡祭祀以法共五齊三酒以實八尊大祭三  
貳中祭再貳小祭一貳皆有酌數惟齊酒不貳皆有器  
量司尊彝掌六尊六彝之位詔其酌辨其用與其實春  
祠夏禴裸用鷄彝鳥彝皆有舟其朝踐用兩獻尊其再  
獻用兩象尊皆有罍諸臣之所昨也秋嘗冬蒸裸用斚  
彝黃彝皆有舟其朝獻用兩著尊其饋獻用兩壺尊皆



有罍諸臣之所昨也凡四時之間祀追享朝享裸用虎  
彝雝彝皆有舟其朝踐用兩大尊其再獻用兩山尊皆  
有罍諸臣之所昨也凡六彝六尊之酌鬱齊獻酌醴齊  
縮酌盎齊浼酌凡酒修酌儀禮特牲壺禁在東序尊于  
戶東玄酒在西又尊兩壺于階東西方亦如之少牢尊  
兩甔于房戶之間甔有玄酒禮運玄酒在室醴醎在戶  
染醎在堂澄酒在下坊記醴酒在室醎酒在堂澄酒在  
下禮器罍尊在阼犧尊在西君西酌犧象夫人東酌罍

尊君親制祭夫人薦盞君親割牲大夫薦酒祭統宗婦  
執盞從夫人薦浣水

濁莫如五齊清莫如三酒祭祀有五齊以神事之也  
三酒以人養之也酒正共五齊三酒以實八尊皆陳  
而弗酌所以致事養之義也非此八尊所實而皆有  
貳者大祭所酌度用一尊則以三尊副之中祭所酌  
度用一尊則以兩尊副之小祭所酌度用一尊則以  
一尊副之皆酌而獻所以致事養之用也酒正言凡

祭祀則天地宗廟社稷諸神之祭皆有五齊三酒司尊彝朝踐用犧尊再獻用象尊皆有罍蓋犧象所實泛與醴也罍尊所實盎以下也君西酌犧象夫人東酌罍尊君親制祭夫人薦盎盎齊沬酌而宗婦執盎從夫人薦沬水是罍尊之所實者盎而盎之上泛醴而已則犧象實泛醴可知也司尊彝言醴而不及泛言盎而不及緹沈鄭氏謂泛從醴緹沈盎則罍之所實盎之下又可知也然則夫人酌罍而薦盎則君制

祭朝事之時也及君割牲饋食則夫人薦酒而已儀  
禮大夫尊兩甔于房戶之間士尊於戶東禮記罍尊  
在阼犧尊在西北皆所酌而非所設也若夫玄酒在  
室醴醕在戶粢醕在堂澄酒在下此則設而弗酌也  
醴醕在戶而坊記言醴酒在室蓋有不同而其設亦  
異爾齊之作也始則其氣泛然次則有酒之體中則  
盎然而浮久則赤終則沈室者陰之幽戶者陰陽之  
交堂者陰陽之辨堂下者陽之顯而道以幽玄醇厚

為上以顯著清美為下泛齊在室以其未離於道故也醴醢在戶以其離道未遠故也粢醢在堂則道與事之間者也澄酒在下則純於事而已觀此則先王所辨齊酒之位意可知矣夫醴齊縮酌則以茅縮而後酌此記所謂縮酒酌用茅明酌是也盎齊浣酌則以酒浣而後酌此記所謂醢酒浣于清是也黍稷別而言之則稷曰粢曲禮稷曰明粢是也合而言之皆曰粢禮凡言粢盛是也記於醢齊言粢醢指其材爾

鄭氏改染為齊誤也鄭氏又以明酌為事酒而澄酒

或謂三酒或謂五齊

於酒正坊記儀禮則曰澄酒三酒也於禮運則曰澄酒沈酒也

祫備五齊禘備四齊時祭備二齊朝用醴齊饋用盎  
齊諸臣自酢用凡酒然記曰夫人薦盎則醴以上君  
所酌盎以下夫人所酌而無君饋薦盎之禮矣酒正  
曰凡祭祀以五齊三酒實八尊則中祭小祭皆備五  
齊而無四齊二齊之制矣

鬱鬯

鬱草十二花  
狀如紅藍

秬鬯

秬黑黍也  
一得二米

周禮鬱人凡祭祀賓客之裸事和鬱鬯以實彝而陳之

築鬱金煮之以和鬯酒鄭司農云鬱草名十葉為貫百  
二十貫為築以煮之饑中停於祭前鬱為草若蘭正義  
曰司農云十葉為貫百二十貫為築者未知出何文云  
以煮之饑中停於祭前者此似直煮鬱停之無鬯酒者  
文畧其實和鬯酒也云鬱為草若蘭則蘭芝以其俱是  
香草故比類言之案王度記云天子以鬯諸侯以熏大  
夫以蘭芝士以蕭庶人以艾此等皆以和酒諸侯以熏  
謂未得主贊之賜得賜則以鬱爾王度記云天子以鬯及  
禮緯云鬯草生庭皆是鬱金之  
草以其鬯酒因號為鬯草也  
鬯人掌共秬鬯而飾之  
秬鬯不和鬱者  
飾之謂設巾也  
大喪共其釁鬯  
釁尸以  
鬯酒  
凡王之齊事共

其秬鬯

給泮浴

凡王弔臨共介鬯

祝告其神之辭介於是進鬯

大宗伯

凡祭大神享大鬼祭大示涖玉鬯肆師祭之日及果蓏

鬯

蓏煮蓏香草烹以為鬯也

大喪大涖以鬯則築鬯禮記曰鬱合鬯

又曰暢曰以掬杵以梧

正義曰掬栢也梧栢也以栢香栢潔白持鬱鬯於神為宜

又

曰天子親耕粢盛秬鬯以事上帝

正義曰案小宰云天地大神至尊不裸此

祭上帝有秬鬯者凡鬯有二若和之鬯謂之鬱鬯鬱人所掌是也祭宗廟而灌也若不和鬯謂之秬鬯鬯人所

掌是也謂五齊之酒以秬黍為之以芬芳調暢言秬鬯故得以事上帝

詩旱麓曰瑟彼玉

瓚黃流在中

箋云黃流秬鬯也正義曰以秬鬯為黃流者秬黑黍一秬二米者也秬鬯者釀和為



酒以鬯金之草和之使之芬芳調暢故謂之秬鬯草名鬯金則黃如金色酒在器流動故謂之黃流云江

# 漢曰釐爾圭瓚秬鬯一卮

而秬黍也鬯香草也築煮合而鬱之曰鬯箋云秬鬯黑黍

酒也謂之鬯者芬香條鬯也正義曰禮有鬱者築鬱金之草而煮之以和秬黍之酒使之芬香條鬯故謂之鬱鬯鬯非草名而此傳言鬯草者以其可和秬鬯謂之鬯草毛言鬯草蓋亦然也言築煮合而鬱之謂築此鬱草久煮之乃與秬鬯之酒合和而鬱積之使氣味相入乃名曰鬯言合而鬱積之非草名如毛此意言鬯者必和鬱乃名鬯未和不為鬯與鄭異也箋以毛解鬯其言不明似必和鬱乃名為鬯故辨之明黑黍之酒自名為鬯不待和鬱也春官鬯人注云秬鬯不和鬱者是黑黍之酒即名鬯也和者以鬯人掌秬鬯鬱人掌和鬱鬯明鬯人所掌未和鬱也故孫毓云鬱是草名今之鬱金煮以和酒者也鬯是酒名以黑黍秬一秬二米作之芬香條

鬯故名之曰鬯。鬯非草名。古今書傳香草無稱鬯者。用箋說為長。

生民詩曰維秬維秠

毛云秬黑黍。秠一稊。二米正義曰。皆爾雅文。唯彼廢作。藥音同耳。李巡曰。黑黍一名秬。郭璞曰。秠亦黑黍。但中

米異耳。漢和帝時任城生黑黍。或三四實。實二米得黍三斛。八斛則秬是黑黍之大名。秠是黑黍之中有二米

者。別名之為秬。故禮經異其丈。而爾雅釋之。若言秬。秠皆黑黍矣。而周禮鬯人注云。釀秬為酒。秬如黑黍。一秬

二米。言如則是黑黍。一米者多。秬為正。稱二米則秬中之異並見之。以明秬有二等也。秬有二等。則一米亦可

為秬。鬯人之注必言二米者。以宗廟之祭。惟秬為重。二米難得之物。曾酒宜當用之。故以二米解鬯。其實秬為

總名。故云釀秬為酒耳。爾雅云。秠一稊。二米。鬯人注云。一秬二米。文不同者。鄭志答張逸云。秬即皮其稊。即亦

皮也。爾雅重言以曉人。然則秬稊古周語宣王不藉千合語之異。故鄭引爾雅得以稊為秬。

畝號文公諫曰瞽告協風至王即齊宮及朝鬱人薦鬯  
犧人薦醴王裸鬯饗醴乃行魏畧曰大秦多蘇合薰陸  
鬱金芸膠十二種香許慎說文曰鬯以秬釀鬱草芬芳  
攸服以降神也中象米匕所以扱之易曰不喪匕鬯凡  
鬯之屬皆從鬯鬱芳草也十葉為貫百二十葉為築以  
煮之一曰鬱鬯百草之華遠方鬱人所貢芳草合釀之  
以降神鬱今鬱林郡也開寶本草木部中品鬱香味苦  
溫無毒陳藏器云其香十二葉為百草之英按魏

畧云生大秦國二月三月有花狀如紅藍四月五月採  
花即香也嘉祐本草圖經云鬱金本經不載所出州土  
蘇恭云生蜀地及西戎胡人謂之馬茱今廣南江西州  
郡亦有之然不及蜀中者佳四月初生苗似薑黃花白  
質紅末秋出莖心無實根黃赤木部中品有鬱金香云  
生大秦國二月三月十月有花狀如紅藍其花即香也  
陳氏云為百草之英乃是草類又與此同名而在木部  
非也今人不復用亦無辨之者故但附於此耳

禮或言秬鬯或言鬱鬯蓋秬一稔二米天地至和之  
氣所生謂之鬯以言和氣之條鬯也謂之鬱鬯以其  
鬻鬱草和之也鄭司農曰鬱十葉為貫百二十貫為  
築以煮之其言蓋有所受也禮曰諸侯未賜圭瓚資  
鬯於天子則諸侯受封未嘗不資鬯而後祭也傳曰  
天子以鬯諸侯以薰誤矣特牲少牢大夫士有奠而  
無裸傳又曰大夫以蘭芝士以蕭庶人以艾不可考  
也鬯之所用不特達臭氣以求神而已故王齊則以

鬯泮浴王弔喪臨諸侯則以鬯為挈大喪則以鬯釁

尸

六飲

水漿醴  
涼醫醢

五飲

水漿酒  
醴醢

膳夫掌王之食飲飲用六清酒正辨四飲之物一曰清

二曰醫

於已反

三曰漿四曰醢掌其厚薄之齊以共王之

四飲之饌及后世子之飲

清謂醴之沛者醫內則所謂或以醢為醴凡醴濁醢醢為

之則少清矣醫之字從殿從酉省也漿今之載漿也醢  
今之粥內則有黍醢醢飲粥稀者之清也鄭司農說以

內則曰飲重醴稻醴清蒲黍醴清蒲梁醴清蒲或以醴  
為醴漿水醴后致飲于賓客之禮有醫酺糟糟音聲與  
蒲相似醫與醴亦相似文字不同記之者各異耳此皆一物也 共后之致飲于賓客之

禮醫酺糟皆使其士奉之

糟醫酺不涉者涉曰清不涉曰糟后致飲無醴醫酺不清

者與王同體屈也

歲終則會惟王及后之飲酒不會漿人掌共

王之六飲水漿醴涼醫酺入于酒府共賓客之稍禮共

夫人致飲于賓客之禮清醴醫酺糟而奉之凡飲共之

食醫掌和王之六食六飲凡飲齊眡冬時內則曰飲重

醴稻醴清糟黍醴清糟梁醴清糟或以醴為醴

釀粥為醴黍





者洗于房中側酌醴加杞覆之面葉冠者以杞祭醴三

乃醴賓以一獻之禮

醴賓不用杞者涉其醴內則曰飲重醴稻醴清糟黍醴清糟梁醴清

糟凡醴事質者用糟文者用清

孟子曰簞食壺漿詩曰或以其酒不以

其漿莊子曰十漿之家五漿先饋

酒正四飲清醫漿醕而無水醴涼漿人六飲水漿醴

涼醫醕而無清內則有醴清糟醕漿醢濫而無水涼

醫玉藻有水漿酒醴醕而無涼醫者鄭氏曰清謂醴

之涉者則酒正之清與漿人之醴一也內則重醴稻

醴清糟黍醴清糟梁醴清糟三醴皆有清糟則糟醴

之濁者也醴內則所謂或以酏為醴關內則所謂黍

酏也醫內則所謂醴也涼內則所謂濫也鄭氏曰醫與醴相似

濫以諸和水也以周禮六飲校之則濫涼也紀莒之間名諸為濫水涼之味薄非酒

正之所辨酒在飲中非用漿人之法內則無水涼亦

以其薄而畧之也夫飲之齊必寒飲齊時其設必重

沛者為清醇者為糟糟用枳清不用枳后致飲于賓

客則醇者而已故酒正曰醫酏糟則醫酏皆糟也夫

人飲于賓客則有清焉故漿人曰清醴醫則醴清而  
醫醴皆糟也夫人致三飲后致二飲屈於王也漿人  
六飲始水玉藻五飲亦上水貴其本也六飲無酒五  
飲有酒異代之禮也古者之於六飲用醴為多鄭氏  
曰五齊正用醴為飲者醴恬與酒異也其飲四齊味  
皆似酒其說是也然儀禮士冠醴子醴賓士昏醴賓  
醴婦聘禮醴賓士喪既夕士虞皆有醴而公食燕禮  
大射鄉飲酒特牲少牢皆不用醴何也蓋禮之質者

尚醴文者尚酒冠禮醴子昏禮醴婦禮賓厚其親也  
聘禮醴賓厚其私覲也士喪及虞醴神存其養也非  
此無所事醴則用酒而已儀禮祭以柶玉藻言水漿  
不祭若祭為已僕卑則水漿與醴雖均曰飲其厚薄  
甘淡故有間也

禮書卷八十四

欽定四庫全書

禮書卷八十五

宋 陳祥道 撰

裸禮書圖



# 裸

書曰王入太室裸小宰凡祭祀贊玉幣爵之事裸將之

事

將送也裸送送裸謂贊王酌爵也以獻尸謂之裸言濯也明不為飲主以祭祀唯人道宗廟有裸天地大

神至尊不裸莫稱焉凡鬱鬯受祭祭之啐之奠之

凡賓客贊裸內宰大祭祀后

裸獻則贊瑤爵亦如之

謂祭宗廟王既裸而出迎牲后乃從後裸

凡賓客之

裸獻瑤爵皆贊

謂王同姓及二王之後來朝覲為賓客者裸之

大宗伯大祭祀

王后不與則攝而薦豆籩徹大賓客則攝而載裸小宗

伯凡祭祀賓客以時將瓚裸肆師凡祭祀及裸築鬻大

賓客涖筵几筵鬻贊裸將鬱人凡祭祀賓客之裸事和鬱鬯以賓彝而陳之凡裸玉濯之陳之以贊裸事詔裸將之儀與其節及莖共其裸器遂埋之司尊彝春祠夏禴裸用鷄彝鳥彝秋嘗冬烝裸用斚彝黃彝行人公再裸而酢侯伯子男一裸而酢

再裸再飲公也  
酢報飲王也

大國之孤

以酒禮之

以酒禮之者謂齊酒也  
和之不用鬱鬯耳

禮器曰諸侯相朝灌用

鬱鬯無籩豆之薦郊特牲曰諸侯為賓灌用鬱鬯商人尚聲臭味未成滌蕩其聲樂三闋然後迎牲周人尚臭



灌用鬯臭既灌然後迎牲又曰裸用圭璋用玉氣也祭  
統曰獻之屬莫重於裸投壺當飲者皆跪奉觴曰賜灌  
勝者跪曰敬養文王詩曰厥作裸將常服黼冔論語曰  
禘自既灌而往者吾不欲觀之矣

商人尊神而交神於明故先樂而求諸陽周人尊禮  
而辨神於幽故先裸而求諸陰書曰王入太室裸祭  
統曰君執圭瓚裸尸則尸入太室以圭瓚酌鬱鬯裸  
之后又以璋瓚酌鬱鬯亞裸其裸尸也如裸賓客則

王與后自灌之矣鄭氏釋小宰謂王酌鬱鬯以獻尸  
尸受祭之啐之奠之然尸神象也神受而自灌非禮  
意也鄭氏又謂宗廟有裸天地大神至尊不裸考之  
於禮典瑞裸圭有瓚以肆先王以裸賓客玉人裸圭  
尺有二寸有瓚以祀廟又鬯人秬鬯之所用則社廟  
山川四方而已是裸不施於天地也然大宗伯凡祀  
大神享大鬼祭大示涖玉鬯表記曰親耕粢盛秬鬯  
以事上帝蓋祀天有鬯者陳之而已非必裸也行人

曰公再裸侯伯子男一裸諸侯有裸而卿無裸則以酒禮之而已祭統所謂獻之屬莫重於裸者此也太宗伯賓客則攝而載裸謂攝后耳鄭氏謂君無酌臣之禮宗伯代王裸其說誤也鬯人共秬鬯鬱人和鬱鬯則鬱人和鬯人之鬯而鬯人不用鬱也賈公彥謂山川外十二神用秬鬯而不用鬱於理或然

十二獻

九獻

禮器曰有以小為貴者宗廟之祭貴者獻以爵賤者獻

以散尊者舉觶卑者舉角五獻之尊門外缶門內壺君

尊瓦甒此以小為貴

凡觴一升曰爵二升曰觶三升曰  
觶四升曰角五升曰散五獻子男

之饗禮也壺大一石瓦甒  
五斗缶大小未之聞也

一獻質

謂祭羣  
小祀

三獻文

謂祭  
社稷

五祀五獻察

察明也謂祭  
四望山川也

七獻神

謂祭  
先公

郊特牲郊血大饗

腥三獻燭一獻熟大饗君三重席而酢焉

言諸侯相饗  
獻酢禮敵也

三獻之介君專席而酢焉此降尊以就卑也

三獻大夫  
來聘主君

饗燕之以為賓賓為敬敬則  
徹重席而受酢也專猶單也

樂記先王為酒禮一獻之

禮賓主百拜

一獻士飲酒之禮

祭統尸飲五君洗玉爵獻卿尸

飲七以瑤爵獻大夫尸飲九以散爵獻士及羣有司皆

以齒明尊卑之等也

尸飲五謂醕尸五獻也大夫士祭三獻而獻賓正義曰此據備九獻

之禮者至主人醕尸故尸飲五也凡祭二獻裸用鬱鬯尸祭奠而不飲朝踐二獻饋食二獻及食畢主人醕尸此等皆尸飲之故云尸飲五於此之時以獻卿之後乃主婦醕尸醕尸畢賓長獻尸是尸飲七也乃瑤爵獻大夫是正九獻禮畢初二裸不飲故云尸飲七自此以後長賓長兄弟更為加爵尸又飲二是在前尸飲九主人乃散爵獻士及羣有司也此謂上公故以醕尸之一獻為尸飲五也若侯伯七獻朝踐饋食時各一獻食訖醕尸但尸飲三也子男五獻食訖醕尸尸飲一也云大夫士祭三獻而獻賓者欲明諸侯獻賓時節與大夫士獻

賓不同。知大夫士祭三獻。賓者特牲禮。文下大夫不賓尸。與士同亦三獻。而獻賓知者有司。徹文其上。大夫別行賓尸之禮。與此異也。祭統曰古者必賜爵祿於太廟。一獻君降

命之。

尸一獻也。

周禮司尊彝掌六尊六彝之位。春祠夏禴

裸用鷄彝。鳥彝皆有舟。其朝踐用兩獻尊。其再獻用兩象尊。皆有罍。諸臣之所昨也。秋嘗冬蒸。裸用斚彝。黃彝皆有舟。其朝獻用兩著尊。其饋獻用兩壺尊。皆有罍。諸臣之所昨也。凡四時之間祀。追享朝享。裸用虎彝。蜚彝皆有舟。其朝踐用兩大尊。其再獻用兩山尊。皆有罍。諸

臣之所昨也

裸如獻尸后亞裸朝踐謂薦豆腥酌醴始行祭事后於是薦朝事之豆籩既又酌獻

其變朝踐為朝獻者尊相因也朝獻謂尸卒食王醕之再獻者王醕尸之後后酌亞獻諸臣為賓又次后酌盞齊備卒食三獻也於后亞獻內宗薦加豆籩其變再獻為饋獻者亦尊相因饋獻謂薦熟時后於是薦饋食之豆籩此凡九酌王及后各四諸臣一祭之正也以今祭禮持牲少牢言之二裸為奠而尸七矣王可以獻諸臣祭統曰尸飲五君洗玉爵獻卿是其差也明堂位曰灌用玉瓚大圭爵用玉琖加用璧角璧散又鬱人職曰受舉斚之卒爵而飲之則王醕尸以玉爵也王醕尸用玉爵而再獻者用璧角璧散可知也

先儒謂大袷十有二獻四時與禘九獻上公亦九獻

侯伯七獻周官掌客諸侯長十有再獻行人上公再

裸饗禮九獻侯伯一裸七獻子男一裸五獻諸侯之卿各下其君二等以下及其大夫士皆如之及禮器有五獻之尊郊特牲有三獻之介則饗賓祀神之獻數固不異矣然祫雖大於時祭而禘又大於祫宜亦十二獻先儒以禘小於祫非也行人上公再裸而裸不預於九獻侯伯子男一裸而裸亦不預於七獻五獻則先儒以二裸在九獻之內非也司尊彝朝踐用兩尊皆有罍饋食用兩尊皆有罍籩人醢人有朝踐



之籩豆有饋食之籩豆有加籩加豆則朝踐王獻后  
亞之諸臣之所昨三獻也饋食王獻后亞之諸臣之  
所昨六獻也醕尸三九獻加爵不與焉此宗廟九獻  
之禮也夫卒食必有醕曾子問言侑醕是侑食然後  
有醕也樂記言執醬而饋執爵而醕是饋食然後有  
醕也特牲少牢之祭皆曰饋食而獻皆曰醕尸則大  
夫士無朝獻饋獻之禮特醕尸於饋食之後而已然  
士禮主人主婦賓三獻又加爵三長兄弟賓長利獻

之也下大夫主人主婦賓又獻又加爵二賓長與利  
獻之也上大夫特主人主婦賓三獻而已蓋士與下  
大夫無賓尸故有加爵上大夫有賓尸故無加爵天  
子諸侯有繹祭又有加爵記所以隆於尊者也春秋  
之時楚子入享於鄭九獻加籩豆六品季孫宿如晉  
晉侯享之有加辭曰小國之事大國也得貺不過三  
爵今豆有加下臣弗堪則加豈卑者之所預乎士與  
下大夫有加其代賓尸可知也周官朝事饋食之籩

豆后薦之加爵之籩豆內宗薦之則加以璧散璧角亦諸臣獻之可知也

卑者獻以散

士之飲禮止於一獻而

祭有三獻者攝盛也士加爵三而下大夫加爵二者厭降也書曰太保秉璋以酢孔安國謂祭報曰酢蓋獻始事也酢成事也諸臣之於禮成之而已故獻皆曰酢

一獻三獻七獻之辨

禮器曰一獻質三獻文五獻察七獻神郊特牲曰郊

血大饗腥三獻燭一獻孰鄭氏謂一獻祭羣小祀三獻祭社稷五祀五獻祭四望山川七獻祭先公其說以為王祭羣小祀以玄冕一章之服故一獻祭社稷以希冕三章之服故三獻祭四望山川則毳冕五章故五獻享先公則鷩冕七章故七獻然周禮大祀次祀小祀見於肆師大祭中祭小祭見於酒正則大宗伯所辨天地五帝先王之類大祀也社稷五祀五嶽之類中祀也四方百物之類小祀也大祀獻多小祀

獻寡則社稷所獻宜加於山川也先王祭服各有象類則希冕三章以祭社稷者非卑之於山川也以社稷之所上正於利人故服粉米以稱之則獻數不繫

於服章矣且賓客之禮士一獻

士冠禮一獻

卿大夫三獻

郊特牲三獻之介

子男五獻

禮器五獻之尊門外缶門內壺昭元年左傳曰魯具五獻之籩

豆趙孟辭焉則大國之卿亦五獻

侯伯七獻上公九獻而王饗諸侯

自子男五獻以至諸侯長十有再獻皆服鷩冕七章而已孰謂獻數必繫於服章哉鄭氏以三獻為祭社

稷五祀五獻為祭四望山川誤矣羣小祀則四方百

物之類也其牲色庖

牧人凡外祭毀事用庖可也

其牲體醕辜

大宗

伯以醕辜祭四方百物

其裸器用散

鬯人凡醕辜蓋用散云

其舞兵舞帔

舞或不興舞

鼓人凡祭百物之神鼓兵舞帔舞者舞師凡小祭祀則不興舞

山川四

望則其兆位各因其郊與其方

小宗伯兆五帝於四郊四望亦如之山川

丘陵墳衍各因其方

其牲各因其方之色裸則用蜃玉則兩圭

有邸與璋邸射

兩圭有邸以旅四望璋邸射以祀山川

舞則兵舞與羽

舞奏姑洗歌南呂舞大磬

四望

奏鞀賔歌函鍾舞大夏

山川社稷則共黝牲其祭血裸以大罍鼓以靈鼓舞以  
帔舞奏太簇歌應鍾舞咸池其禮樂辨異如此則獻  
數不同宜矣蓋禮畧故質禮加故文察則其事地也  
察矣神則其事祖也神矣一獻孰則於人情為近故  
曰質三獻燭則於人情漸遠故曰文三獻燭則五獻  
其血乎禮所謂血祭社稷是也

飯數

曲禮曰三飯主人延客食載禮器曰天子一食諸侯再

大夫三食力無數玉藻曰飯殮者三飯也論語曰亞飯

干適楚三飯繚適蔡四飯缺適秦士婚禮三飯卒食特

牲禮尸三飯告飽祝侑之如初

鄭云不復飯者三少者士之禮大成也

牢禮尸三飯又食馘又食舉腊肩又食舉牢骼又食告

飽又曰皇尸未實侑尸又食舉牢肩尸不飯主人拜侑

尸又三飯膳夫以樂侑食大司樂王大食三侑皆令奏

鐘鼓詩曰以妥以侑荀卿曰三嗅之不食大戴史記曰

三侑之不食鄭康成曰食大名小數曰飯士九飯大夫



十一飯其餘有十三飯十五飯賈公彥曰一告謂之一飯士三飯即告飽而侑大夫七飯告飽而侑諸侯九飯而侑天子十一飯而侑孔穎達曰天子一食諸侯再大夫三與儀禮不同此據食畢更加飯告飽之數也

禮有以多為貴故特牲士祭尸九飯少牢大夫祭尸十一飯有以少為貴故禮器天子一食諸侯再大夫士三蓋一食即一飯也士九飯大夫十一飯則飯以九與十一而又加者也正飯致其隆故貴多加飯嫌

於瀆故貴少此飯禮所以不同也鄭氏曰士九飯大夫十一飯其餘有十三飯十五飯而賈公彥謂十三飯諸侯禮十五飯天子禮理或然也飯必告飽而告飽必侑侑禮有拜以致其敬有辭以道其勤有樂以樂其心特牲尸告飽祝侑主人拜少牢尸告飽主人拜侑此拜以致其敬也少牢祝侑曰皇尸未實侑此辭以道其勤也大祝逆尸令鐘鼓侑亦如之此樂以樂其心也然特牲三飯告飽而侑少牢七飯告飽而

侑則九飯三侑飯寡而侑多十一飯再侑飯多而侑寡者蓋禮殺者儀感故告飽速而侑多禮隆者儀紓故告飽遲而侑少此侑禮所以不同也賈公彥謂諸侯九飯而侑天子十一飯而侑理或然也然以論語考之每飯異樂每樂異工則侑固多矣而特牲少牢尸飯止於三侑再侑大司樂王大食三侑者蓋有每飯之侑有終食之侑每飯之侑一工而已終食之侑有禮之大者也故荀卿言三嗅之不食大戴史記亦

言三侑之不食此皆指其大者論之也古者之於賓客如祭祀禮而裸獻之數未嘗不同則天子而下其飯數宜與尸食無異矣大司樂王大食三侑皆令奏鐘鼓則凡非大食無鐘鼓歟

禮書卷八十五